

Bosna i Hercegovina
Federacija Bosne i Hercegovine
Tuzlanski kanton
Grad Živinice
Gradsko vijeće
Broj: 06-04-2101/2025
Dana, 27.03.2025. godine

Na osnovu člana 13. Zakona o principima lokalne samouprave FBiH ("Službene novine FBiH" broj 49/06 i 51/09), člana 24. Statuta Grada Živinice ("Službeni glasnik Grada Živinice" broj 5/19 i 9/21), Odluke o raspolaganju općinskom imovinom ("Službeni glasnik općine Živinice" broj 8/07) člana 103. i 107. Poslovnika o radu Gradskog vijeća Živinice ("Službeni glasnik Grada Živinice" broj 5/19, 8/20, 7/21, 10/21, 5/22, 12/22 i 4/24), a u vezi izvještaja o rezultatima LNOB socijalnog mapiranja: djeca i mladi sa invaliditetom, s fokusom na korisnike Centra za djecu sa višestrukim smetnjama „Vrati mi osmijeh“ Živinice, Gradsko vijeće Živinice na sjednici održanoj dana 27.03.2025. godine donosi

O D L U K U

O verifikaciji preporuka za razvoj socijalnih usluga u gradu Živinice na temelju provedenog socijalnog mapiranja

Član 1.

Gradsko vijeće Živinice verifikuje preporuke za razvoj socijalnih usluga u Gradu Živinice proizašle iz rezultata socijalnog mapiranja provedenog u periodu od novembra 2023. do maja 2024. godine, s posebnim fokusom na djecu i mlade s invaliditetom.

Član 2.

Od svih definisanih preporuka unutar pet LNOB faktora rizika, Grad Živinice će, vodeći se nadležnostima jedinica lokalne samouprave nastojati 17 preporuka integritati u postojeći strateški razvojni okvir s ciljem njihove realizacije do 2027. godine.

Član 3.

Zadužuje se svi nosioci aktivnosti iz navedenih preporuka da preduzme sve aktivnosti kako bi se svih 17 preporuka realizovale do 2027. godine.

Član 4.

Izvještaj o socijalnom mapiranju, koji sadrži sve zaključke i preporuke, zajedno sa navedenom „Verifikacija preporuka za razvoj socijalnih usluga u Gradu Živinice na temelju provedenog socijalnog mapiranja“ će biti objavljena na zvaničnoj web stranici Grada Živinice <https://gradzivinice.ba> nakon usvajanja navedene odluke.

Član 5.

Odluka stupa na snagu danom donošenja, a objavit će se u „Službenom glasniku grada Živinice“

Obrazloženje

Preporuke za razvoj socijalnih usluga u Gradu Živinice proizašle su iz rezultata socijalnog mapiranja provedenog u periodu od novembra 2023. do maja 2024. godine, s posebnim fokusom na djecu i mlade s invaliditetom. Ovaj dokument temelji se na načelima održivog razvoja, s naglaskom na Agendu 2030 i principu "Nikoga ne ostavi iza" (LNOB).

Analiza je zasnovana na dokazima prikupljenim iz direktnih intervju s roditeljima djece s invaliditetom, što je bilo ključno za razumijevanje trenutnih potreba i izazova s kojima se suočava ova ciljna skupina. Također, u izradi Izvještaja o socijalnom mapiranju, osim članova Komisije za socijalnu zaštitu/skrb i inkluziju Grada Živinice, učestvovali su predstavnici ključnih pružaoca socijalnih usluga na području grada Živinice. Kroz fokus grupe, ovi predstavnici dali su značajan doprinos analizi postojećih potreba i izradi prijedloga aktivnosti koje će unaprijediti kvalitetu života djece i mladih s invaliditetom.

Socijalno mapiranje je pokazalo da su djeca sa kombinovanim poteškoćama, djevojčice i porodice djece s invaliditetom koji žive u prigradskim naseljima i ruralnim područjima, identifikovana kao najranjivija kategorija unutar populacije djece i mladih s invaliditetom.

Od ukupno 45 definisanih preporuka unutar pet LNOB faktora rizika, Grad Živinice će, vodeći se nadležnostima jedinica lokalne samouprave nastojati 17 preporuka integrirati u postojeći strateški razvojni okvir s ciljem njihove realizacije do 2027. godine. Grad će uložiti značajan napor, uz podršku donatorskih organizacija i privatnog sektora, kako bi se realizovale sve preporuke i unaprijedio kvalitet života osoba s invaliditetom i drugih ranjivih grupa u ovoj lokalnoj zajednici.

Izvještaj o socijalnom mapiranju, koji sadrži sve zaključke i preporuke, zajedno sa navedenom „Verifikacija preporuka za razvoj socijalnih usluga u Gradu Živinice na temelju provedenog socijalnog mapiranja“ će biti dostupan na zvaničnoj web stranici Grada Živinice <https://gradzivinice.ba> nakon usvajanja od strane Gradskog vijeća.

Zahvaljujemo Savezu gradova i općina Federacije BiH, njemačkoj vladinoj organizaciji GIZ GmbH i Mreži nacionalnih asocijacija lokalnih vlasti jugoistočne Evrope - NALAS na podršci u realizaciji socijalnog mapiranja.

TABELARNI PREGLED POSTOJEĆIH I POTREBA ZA RAZVOJEM NOVIH SOCIJALNIH USLUGA ZA DJECU S INVALIDITETOM U GRADU ŽIVINICE

LNOB FAKTOR RIZIKA	POSTOJEĆA SOCIJALNA USLUGA	POTREBA ZA RAZVOJEM NOVE SOCIJALNE USLUGE	NAČIN	FINANSIJSKI IZVOR	NOSILAC	PARTNERI
Socio-ekonomski status	Nema	Javna kuhinja	Uspostavljanje punkta javne kuhinje za socijalno-ugrožene građane, čiji korisnici će biti i porodice djece s invaliditetom	HD Merhamet Donatori Grad Živinice	HD Merhamet	Centar za socijalni rad Živinice, Crveni krst/križ Grada Živinice
	Djelimično	Podrška obrazovanju učenika i studenta s invaliditetom	Postojeći Pravilnik o stipendiranju učenika i studenata prilagoditi osobama sa invaliditetom kako bi učenici i student iz ove populacije imali jednake šanse za ovom vrstom obrazovne podrške	Grad Živinice	Grad Živinice	Ministarstvo obrazovanja i nauke TK
	Nema	Mobilni tim za podršku djece s invaliditetom	Program “kućne njege i pomoći” proširiti na podršku djece s invaliditetom	Donatori Grad Živinice	Grad Živinice	Crveni krst/križ Grada Živinice Udruženje “Vrati mi osmijeh”
	Nema	Senzorna soba za djecu s invaliditetom	U prostorijama Dnevnog centra “Vrati mi osmijeh” opremiti prostoriju odgovarajućom opremom koja potpomaže stimulaciju čula sluha, vida, dodira i mirisa za djecu s poremećajem senzorne integracije	Grad Živinice Donatori	Grad Živinice Udruženje “Vrati mi osmijeh”	Centar za socijalni rad Živinice
Geografski faktor	Djelimično	Stomatološka usluga za djecu s invaliditetom u Domu zdravlja Živinice	Prilagoditi pristup, prostorije i opremu u stomatološkoj službi za djecu s invaliditeom	Grad Živinice Dom zdravlja Živinice Donatori	Dom zdravlja Živinice	NVO
	Nema	Formirati komisiju za procjenu invaliditeta kod djece u Domu zdravlja Živinice	Pri Domu zdravlja uspostaviti Komisiju za procjenu invaliditeta kod djece koja će obuhvatiti korisnike iz Živinica i drugih susjednih općina (Živinice, Kladanj, Banovići, Kalesija).	Ministarstvo za rad, socijalnu politiku i povratak TK	Dom zdravlja Živinice Grad Živinice	Centar za socijalni rad Živinice
	Nema	Psihološka podrška roditeljima djece s invaliditetom	Djelatnost Dnevnog centra “Vrati mi osmijeh” proširiti na usluge savjetovališta za roditelje djece s invaliditetom (grupni i individualni rad)	Donatori Grad Živinice	Udruženje “Vrati mi osmijeh”	Centar za socijalni rad Živinice Centar za mentalno zdravlje Živinice pri JZU Dom zdravlja Živinice NVO

	Djelimično	Osiguranje pristupačnost saobraćajnica	Prilagoditi horizontalnu i vertikalnu saobraćajnu signalizaciju u gradu osobama s invaliditetom	Grad Živinice Donatori	Grad Živinice	Federalna i kantonalna direkcija cesta, NVO
	Djelimično	Osiguranje pristupačnosti javni servisa	Izgradnja pristupačnih rampi do javnih ustanova koje pružaju socijalne usluge	Javne ustanove u gradu Živinice	Grad Živinice Javne ustanove	NVO
Diskriminacija	Nema	Informisanje	Kampanja podizanja javne svesti o prepoznavanju i prijavljivanju diskriminacije	Dontaori Lokalni mediji	Udruženje “Vrati mi osmijeh”	NVO, Mediji
	Nema	Edukacija	Organizacija i sprovođenje edukacija za zaposlene u lokalnim institucijama koje pružaju socijalne usluge, kao i za roditelje dece sa invaliditetom, s ciljem podizanja svesti o diskriminaciji zasnovanoj na invaliditetu i upoznavanja sa mehanizmima za zaštitu prava i borbu protiv diskriminacije.	Donatori Javne ustanove Grad Živinice	Udruženje “Vrati mi osmijeh”	Ombudsmani NVO
Upravljanje	Nema	Razvoj konsultativnog procesa sa osobama s invaliditetom	Uključiti predstavnike roditelja djece s invaliditetom u radne grupe i projekte koji su od interesa za osobe sa invaliditetom	Grad Živinice	Grad Živinice	Udruženje “Vrati mi osmijeh”
	Nema	Zdravstveni savjet Grada Živinice	Formirati Zdravstveno savjet Grada Živinice i u njegov sastav uključiti predstavnike osoba s invaliditetom	Grad Živinice	Grad Živinice	NVO
	Djelimično	Baza podataka o djece i osobama s invaliditetom	Uspostaviti bazu podataka o osobama s invaliditetom, uključujući maloljetne i punoljetne osobe, s detaljnom razradom prema uzrastu, spolu i vrsti invaliditeta.	Centar za socijalni rad Živinice Donatori	Centar za socijalni rad Živinice	Udruženje “Vrati mi osmijeh” NVO Grad Živinice
	Nema	Pristup prilagođenim informacijama	Web stranicu Grada Živinice učiniti pristupačnom za osobe s invaliditetom	Grad Živinice	Grad Živinice	NVO
Ranjivost na šokove	Nema	Zaštita i spašavanje	Izrada protokola za rano upozoravanje i evakuaciju osoba s invaliditetom	Grad Živinice	Služba civilne zaštite Grada Živinice	NVO
	Nema	Informisanje i alarmiranje	Uvođenje sistema obavještanja i alarmiranja, prilagođenog specifičnim potrebama osoba s invaliditetom.	Služba civilne zaštite Grada Živinice Grad Živinice Donatori	Grad Živinice	NVO Biznis Sektor